

REGLUGERÐ

um heimilishjálp í Seyðisfjarðarkaupstað.

1. gr.

Félagsmálanefnd fer með stjórn heimilishjálpar í Seyðisfjarðarkaupstað í umboði bæjarstjórnar.

2. gr.

Hlutverk heimilishjálpar:

- 1) Að veita hjálp á heimilum um stundarsakir, þegar þess er þörf, vegna sjúkdóma eða af öðrum ástæðum, sem metnar eru gildar, sbr. lög nr. 10/1952.
- 2) Að veita hjálp vegna veikinda barna eða fullorðinna, ef þeir sem veita heimilinu forstöðu eru bundnir af atvinnu utan heimilis og skulu aðstæður metnar hverju sinni, sbr. lög nr. 10/1952.
- 3) Að veita ellilífeyrisþegum aðstoð og umönnun, þegar þeir, vegna veikinda eða af öðrum ástæðum geta ekki séð um sig sjálfir og þarfnast aðstoðar til þess að geta dvalið í heimahúsum, sbr. lög nr. 10/1952 og reglugerð um heimilisþjónustu fyrir aldraða nr. 114/1971.
- 4) Aðstoð við öryrkja og fatlaða sem búa einir og aðstoð við foreldra með fötluð börn.
- 5) Önnur tilfelli sem metin eru hverju sinni.

3. gr.

Félagsmálanefnd ákveður hvert form skuli vera á umsóknum um heimilisþjónustu.

4. gr.

Félagsmálanefnd ber að ganga úr skugga um að starfslið sem heimilishjálp stundar á þess vegum sé hæft til starfsins og skal gefa því kost á að sækja námskeið til að auka þekkingu sína og hæfni til starfans.

5. gr.

Bæjarstjórn Seyðisfjarðar ákveður launakjör starfsfólks heimilishjálparinnar. Starfsmönnum er óheimilt að taka við greiðslum eða gjöfum frá þeim, sem þeir veita aðstoð. Starfsmenn skulu gæta fyllstu þagmælsku um það, sem þeir fá vitneskju um í starfi sínu.

6. gr.

Fyrir heimilishjálp og heimilisþjónustu skal greitt eftir gjaldskrá er bæjarstjórn setur að fengnum tillögum frá félagsmálanefnd. Þeir aldraðir, sem ekki hafa aðrar tekjur en ellilífeyri, skulu undanþegnir greiðsluskyldu. Félagsmálanefnd er heimilt að fengnu samþykki bæjarráðs að gefa eftir hluta af greiðslu fyrir veitta heimilishjálp eða fella niður greiðslur þegar sérstakar ástæður eru til slíkrar ívilnunar.

7. gr.

Bæjarsjóður Seyðisfjarðar ber ekki fjárhagslega ábyrgð á tjóni sem starfsfólk það, er vinnur á vegum heimilishjálparinnar kann að valda við störf sín umfram það sem bætt er af sérstakri ábyrgðartryggingu sem heimilishjálpin kaupir.

8. gr.

Skrifstofa bæjarsjóðs annast reikningsskil og fjárreiður heimilishjálparinnar og skulu reikningar endurskoðast árlega með sama hætti og reikningar bæjarsjóðs.

Reglugerð þessi, sem samin er og samþykkt af bæjarstjórn Seyðisfjarðar staðfestist hér með samkvæmt lögum nr. 10 25. janúar 1952 um heimilishjálp í viðlögum til þess að öðlast gildi þegar í stað.

Félagsmálaráðuneytið, 23. desember 1980.

F. h. r.

Hallgrímur Dalberg.

Hólmfríður Snæbjörnsdóttir.

AUGLÝSING

um gjald til Almanakssjóðs.

Með skírskotun til 6. gr. laga nr. 25/1921, um einkaleyfi handa Háskóla Íslands til útgáfu almanaks, sbr. 9. gr. reglugerðar nr. 16/1922, hefur verið ákveðið, að gjald það, er greiða skal í Almanakssjóð fyrir hvert almanak, sem gefið er út eða flutt inn með sérstöku leyfi samkvæmt tóðu lagaákvæði, skuli frá 1. janúar 1981 og þar til öðruvísi verður ákveðið vera 30 nýir aurar fyrir hvert eintak.

Í menntamálaráðuneytinu, 8. desember 1980.

Ingvar Gíslason.

Árni Gunnarsson.

REGLUGERÐ

um breyting á reglugerð nr. 249 22. desember 1971
um niðurjöfnun og innheimtu vatnsskatts í Reykjavík.

5. gr. orðist svo:

Af öllum fasteignum, sem vatnsskattsskyldar eru skv. 1. gr. skal greiða vatnsskatt, sem nemur 0.130% (0.13 af hundraði) af heildarfasteignamati eignarinnar, þ. e. a. s. af mati mannvirkja ásamt mati lóðar.

Vatnsskattur skv. 1. mgr. skal hlíta eftirfarandi ákvæðum um minnsta- og mesta-gjald á rúmmetra í byggingum á viðkomandi lóð:

Íbúðarhúsnaði minnst 116.26 kr/m³ en mest 144.96 kr/m³.

Vörugeymslur minnst 81.98 kr/m³ en mest 155.14 kr/m³.

Aðrar byggingar minnst 103.08 kr/m³ en mest 155.14 kr/m³.

Aukavatnsskattur, sem greiddur er skv. 2. gr., skal vera kr. 79.44 á hvern rúmmeter vatns.

Lágmarks- og hámarksgjöld skv. 2. mgr. breytist árlega í hlutfalli við ákvörðun yfirfasteignamatsnefndar um framreikningsstuðla eftir tegundum eigna fyrir skráð matsverð fasteigna í Reykjavík.

Aukavatnsskattur, sbr. 3. mgr., breytist árlega eftir framreikningsstuðli, sem ákveðinn er af yfirfasteignamatsnefnd fyrir atvinnuhúsnaði.

Endurprentað blað.